



Broj predmeta: 02-000033/21
Broj akta: 01.1-1413EK-027/21
Datum, 22.3.2021. godine
Mjesto, Brčko

Na osnovu člana 16. i člana 17. Zakona o Vladi Brčko distrikta Bosne i Hercegovine – prečišćeni tekst („Službeni glasnik Brčko distrikta BiH“, broj: 22/18, 49/18, 8/19, 10/19 i 32/19) i Odluke o imenovanju Štaba za zaštitu i spašavanje Brčko distrikta BiH, broj predmeta: 02-000049/20, broj akta: 01.11-0566LO-006/20 od 13. 3. 2020. godine, broj akta: 01.11-0566LO-012/20 od 13. 3. 2020. godine i broj akta: 01.11-0566LO-020/20 od 16. 3. 2020. godine, a u skladu s članom 18. tačkom o), članom 19. tačkom a), članovima 35. i 37. stavom (1) Zakona o zaštiti i spašavanju ljudi i materijalnih dobara od prirodnih i drugih nesreća u Brčko distriktu Bosne i Hercegovine („Službeni glasnik Brčko distrikta BiH“, broj: 29/16 i 33/16), Odlukom o proglašenju stanja prirodne nesreće zbog COVID-19 (korona virus), broj predmeta: 43-000096/20, broj akta: 01.1-1141SM-001/20 od 13. 3. 2020. godine, u vezi s Odlukom o proglašenju ugroženosti stanovnika Brčko distrikta BiH od epidemije zarazne bolesti – korona virusa (COVID-19), broj predmeta: 02-000049/20, broj akta: 01.11-0566LO-001/20 od 11. 3. 2020. godine i broj akta: 01.11-0566LO-003/20 od 12. 3. 2020. godine, članovima 5. i 6. Poslovnika o načinu rada i rukovođenju Štabom za zaštitu i spašavanje Brčko distrikta BiH, broj predmeta: 02-000057/20, broj akta: 01.11-0566LO-004/20 od 20. 3. 2020. godine, nakon održane telefonske sjednice Štaba, komandant Štaba, gradonačelnik Brčko distrikta BiH dana 22. 3. 2021. godine i z d a j e

N A R E D B U

Član 1.

Daje se saglasnost na Procedure o načinu izvođenja nastave kod kuće za učenike iz osnovnih i srednjih škola Brčko distrikta Bosne i Hercegovine koji su u izolaciji.

Član 2.

Sastavni dio ove naredbe su Procedure o načinu izvođenja nastave kod kuće za učenike iz osnovnih i srednjih škola Brčko distrikta Bosne i Hercegovine koji su u izolaciji.

Član 3.

Procedure iz člana 1. ove naredbe će se primjenjivati sve dok za tim bude postojala potreba.

Član 4.

Ova naredba stupa na snagu danom donošenja, a objavit će se u „Službenom glasniku Brčko distrikta BiH“.

DOSTAVITI:

1. Uredu gradonačelnika
2. Zamjeniku gradonačelnika
3. Glavnom koordinatoru Vlade Brčko distrikta BiH
4. Odjeljenju za obrazovanje
5. Sekretaru Vlade (3x)
6. Odjeljenju za zdravstvo i ostale usluge
7. Odjeljenju za zdravstvo i ostale usluge
- Pododjeljenje za javno zdravstvo
8. JZU „Zdravstveni centar Brčko“ Brčko distrikt BiH
9. Svim odjeljenjima Vlade (12x)
10. Uredu gradonačelnika / Inspektorat
11. Policiji Brčko distrikta BiH
12. Članovima Štaba (34x)
13. Institucijama Brčko distrikta BiH (8x)
14. Javnim preduzećima, fondovima i Zavodu (7x)
15. „Službenom glasniku Brčko distrikta BiH“
16. Arhivi.

GRADONAČELNIK

Esed Kadrić

PROCEDURA
O NAČINU IZVOĐENJA NASTAVE KOD KUĆE ZA UČENIKE IZ OSNOVNIH I
SREDNJIH ŠKOLA BRČKO DISTRIKTA BiH KOJI SU U IZOLACIJI

Član 1.

Ovom procedurom propisuje se način izvođenja nastave kod kuće za učenike osnovnih i srednjih škola Brčko distrikta BiH koji su u izolaciji i ne mogu pohađati nastavu u školi.

Član 2.

- (1) Nakon dostave rješenja o izolaciji učenika, razrednik o tome upoznaje direktora škole i saziva Odjeljsko vijeće radi upoznavanja s novonastalom situacijom.
- (2) Nakon razmatranja rješenja, Odjeljsko vijeće sačinjava prijedlog načina izvođenja nastave kod kuće za učenike u izolaciji i dostavlja Nastavničkom vijeću na razmatranje i odobrenje.
- (3) Prijedlog Odjeljskog vijeća sadržava: ime i prezime učenika, razred i odjeljenje, stručno zvanje odnosno zanimanje, nastavne predmete s popisom nastavnih jedinica za koje će se dostavljati nastavni materijali za vrijeme trajanja izolacije određenom rješenjem o izolaciji te raspored dostavljanja nastavnih materijala za svaki nastavni predmet.
- (4) Odobrenje Nastavničkog vijeća dostavlja se Odjeljenju za obrazovanje na znanje.

Član 3.

Nakon odobrenja Nastavničkog vijeća, nastava za učenike koji su u izolaciji izvodi se na sljedeći način:

- a) Nastavne sadržaje iz nastavnog plana i programa s preciznim uputama i odgovarajućim nastavnim materijalima (u daljnjem tekstu: nastavni materijal) usklađene s mjesečnim planom rada priprema predmetni nastavnik i dostavlja razredniku;
- b) Način dostavljanja nastavnih materijala razrednik dogovara s učenikom, roditeljem odnosno starateljem;
- c) Razrednik dostavlja pripremljeni nastavni materijal učeniku odnosno roditelju odnosno staratelju prema utvrđenom rasporedu dostavljanja i o tome vodi evidenciju u napomeni u razrednoj knjizi;
- d) Praćenje izvođenja nastave kod kuće za učenike u izolaciji vrši pedagog, a u školama koje nemaju pedagoga direktor škole.

Član 4.

Realizovani nastavni sadržaji za cijelo razredno odjeljenje u izolaciji se upisuju u razrednu knjigu prema važećem rasporedu časova, a u skladu s evidencijom dostavljenih nastavnih materijala.